

**ПОСОЛСТВО СВЯЩЕННОГО СІНОДУ
ПРАВОСЛАВНОЙ ЦЕРЬКВИ В ЧЕСЬКЫХ ЗЕМЛЯХ І В СЛОВАКІЇ**

ПАСХА ХРИСТОВА 2022

Богом люблений христiанський народе, духовны отцѣве, братя і сестры,

ХРИСТОС ВОСКРЕСЕ!

Знова настав час привітати праздник праздників – день Воскресенія Христового, в котрім нам Спаситель подаровав дорогоцінне сокровище Своєї благодати – зробив нас причастниками святой Евхаристії, через котру можемо істинно пережити пасхалну радість.

Коли Бог сотворив чоловіка, понукнув му живот – Свій, вічний, Божий живот. Но чоловік запохыбовав, зловжыв свою слободу і спробовав окламати Бога. Забив тым нелем себе, але і ціле **«сотворіня піддав суеті»**. Одтогды оно ведно з ним стонало і **«терпіло»** в надії, же **«буде выслободжене із рабства тлінія»** і знова **«приведжене до славы Божых дітей»**¹ (Рим 8, 20-22).

Коли **«наповнив ся час»**² (Гал 4, 4) і Бог послав на світ Свого єдинородного Сына, чоловік знова **«вказав ся»** - одсудив на смерть і розпяв на Крест самого свого Спасителя. Но якраз смерть Божого Сына на Кресті стала ся дефінітивнов перемогов Божой любви над зловов і смертельностѣв чоловіка, і Ёго Воскресеніє знова подаровало людям вічний живот. В єдній із стихір суботнѣй вечурні ся говорить: **«І кедь заятый єсь був, Христе, беззаконныма людми, но Ты єсь мій Бог і не ганьблю ся: по плечах Тя били, не одперам: на кресті розпятий Ты був, і не таю: хвалю ся Твоїм Воскресенієм, бо Твоя смерть є мій живот: всемогущій Чоловіколюбче Господи, слава Тобі»**³.

Воскресеніє Христа дало новий напрям ходу історії людства од загыбелі і заніку ід общому воскресенію. Дало новий змысел цілому сотворіню. Вшытко, што было сотворене, было Воскресенієм Христовым напрямлене до **«нового неба і новой землі»**, в котрых **«уже смерти не буде»**⁴ (Апок 21,1.4).

На тім світі часто ся стрічає з проявами тілесной і духовной смерти. Многыма способами можемо ся пересвідчіти о правдивости слов апостола Йоана: **«Цілый світ лежить в злі»**⁵ (1 Йоан 5, 19). Доказує то нелем минулость людства, але і дні, котры переживаємо, позначены войновым ніщінєм, пошырѣванєм лжи, беззмыселным насильством і страданєм великого множества людей. Про многых із нас єдинов потіхов і істотов в тій добі зістали слова Христа: **«У тім світі будете терпіти, но не падайте духом, бо я преміг світ!»**⁶ (Йоан 16, 33). В надії на тото приобіцяння Бога просьме у своїх молитвах за заставліня вшыткых воен і духовну посилу про тых, котры із-за них

¹ ...сѣтѣ бо твѣрь повнѣла не болю, но за повнѣвшаго ю, на оуповѣніи, ѣкѣ и слѣд твѣрь свободѣла ѿ рабѣты истаѣніа въ свободѣ славы члѣв ѣжінх. бѣмы бо, ѣкѣ вѣд твѣрь єз нами совоздыхѣетѣ и svolѣзныетѣ дѣже донїѣ.

² Кѣгда же прїиде кончїна лѣта...

³ Яще и ѣтѣ вѣлѣ сѣи хрѣте, ѿ беззаконных мѣжєи: но ты ми сѣи бѣх, и не постыжѣдѣла: бїенѣ вѣлѣ сѣи по плещѣма, не ѿметѣла: на крѣтѣ пригвождѣнѣ вѣлѣ сѣи, и не таю: востѣнїемѣ твѣоимѣ хвалїемѣ: смѣртѣ бо твѣоѣ жнѣбѣтѣ мѣи, вселїальне и члѣвколюбче гдїи, слава твѣѣ. (7. hlas, v sobotu na večernї)

⁴ И вїдѣхѣ нево нѣво и зѣмлю нѣвѣ... и смѣрти не вѣдѣтѣ ктѣмѣ.

⁵ ...мїръ бѣє въ слѣ лежїтѣ.

⁶ Въ мїрѣ скѣрени вѣдѣтѣ: но дерзѣйте, ѣзѣ повѣдїхѣ мїръ.

терплять. Подля своїх можностей і способностей станьме ся про терплячих «продовженов руков» Хріста – Того, котрый потішать і вдохновлять, приносить надію і додавать силу, хранить і насычує чоловіка.

Світ, в котрім жыєме, є розділений на блоки і альянції. Політичны партії безперестанно ся групують і перемішують, творять розмаїты коаліції і опозиції. Часто і од нас хрістіанів ся чекать, же будеме ся справовати подобным способом. Многы ся намагають і до церковного жывота і словника внести політичны терміны і спори, націоналізм, нетолерантность, агресивность і остатні сполоченьскы недугы. Не знають, же при найрозлічнішых спорах і конфліктах того світа собі мы хрістіане все выбераме зістати вірныма Хрістовій заповіді – быти з тыма, якы терплять, з тыма, котрых світ поважує за «слабых і убогого роду, котрых світ не узнавать, котры про світ ніч не значать», но котрых выбрав собі Бог, жебы заганьбив тых, котры о собі думают, же суть «мудры, силны і высокодостойного роду»⁷ (1 Кор 1, 27) того світа.

Намагайме ся шырити навколо себе світло надії, котру принесло Хрістово Воскресеніє. Превкажме собі і тому світу, же жрідло вічного жывота, котрый має початок в Хрістовій Церкві, є невычерпне. Все актуалныма суть слова: «Хто їсть моє тіло і пє мою кров, має вічний живот і Я такого воскресу в послідній день»⁸ (Йоан 6, 54). Выявме своїм жывотом свідчїня о тім, же мы – Божый народ і належыме Хрістови. Принесьме до того світа, часом такого страпленого і безнадійного, нову надію, котру світ так легко страчат, і обновме в собі любов, бо тота «холодніє, коли множать ся діла беззаконїя»⁹ (Мф 24, 12).

Наперек тяжкым обставинам жывота, котры многы з нас пережывають – або якраз зато – найдийме в собі силу вложыти себе і ціле своє жытя до рук Хріста. Обернийме ся на Нєго словами молитвы св. Ігнатія: «Господи, ний мої очі відять, што є правільне»¹⁰ (Пс 16, 2), бо я належу Тобі. Цілый мій живот, а і моя смерть є у Твоїх руках. Твоя правіця намагаць ся напярмити мене на Твою путь. Без Твоєй помочі бы єм вже давно безнадійно пропав, безповоротно загынув. Я був Твій скорше, як єм зачав єствовати. Дай, жебы єм був Твоїм почас цілого моєго земного жывота і зістав Твоїм навікы».

Мольме ся вшыткы за то, жебы наступаючі свята Воскресенія Хрістового пережыв цілый світ у мірі і духовній радости.

† Рагислав

архієпіскоп прїашівскый
метрополита чеськых земель і Словакії

† Михаїл

архієпіскоп пражскый і чеськых земель

† Георгій

архієпіскоп михаловско-кошіцькый

† Сімеон

архієпіскоп оломовцко-бырнянскый

† Ісаїя

єпіскоп шумперскый

⁷ ...но бѣла міра ѿзбрѣ бѣъ, да прѣмѣдыа пограмітъ, ѿ нѣмшцнаа міра ѿзбрѣ бѣъ, да пограмітъ крѣпкаа: ѿ хѣдорѣдлаа міра ѿ оуничжѣннаа ѿзбрѣ бѣъ, ѿ не сѣцаа, да сѣцаа оупразднітъ.

⁸ Іѣдѣи моѣ плѣтъ ѿ пѣаи моѣ кровѣ ѿматѣ живѣтъ вѣчнѣи, ѿ ѣзѣ воскресѣ ѣгѣ вѣ послѣднѣи дѣнѣ.

⁹ ...ѿ за оумножѣнїе беззаконїа, ѿзѣжкнетѣ любѣи многѣх.

¹⁰ ...Ѧчи моѣ да вїднѣа правѣтъ.